

¡BOMBA!

Reconocerlo ya es feo,
y más con ese modito...
por lo que toca a Julito,
lo suyo no era el boxeo



K'untzil

Edición de fin de semana, del viernes 4 al domingo 6 de julio de 2025

CAMPECHE · YUCATÁN · QUINTANA ROO · AÑO 10 · NÚMERO 2513 · www.lajornadamaya.mx

Saak'e' (*Tropidacris cristata*) juntúul ti' le maas nojoch ik'el ojéela'an yaan, ts'o'oke' je'el u k'askúuntik paak'áalo'ob. U yila'ale' yaan ba'al u yil yéetel beyka'aj u yo'och yaan; yaan k'iine' jach chika'an u yila'al yéetel yaan uláak'o'obe' ma'atech, beey tu ya'alaj jbiólogo Arturo Bayona, máax ku meyaj tu najil xook Instituto Tecnológico Superior de Felipe Carrillo Puerto yéetel máax jo'olbesik xan museo Casa de la Naturaleza.

"Especies beya' suuk u yila'al ts'o'oke' nonoj yaan wa chan yaan ba'al u jaantej, beyxan je'el u k'askúuntiko'ob ba'al, je'el bix paak'áalo'ob, t'a'aj k'áax, ba'ale' kéen ya'abake' ku multik ba'al. Leti'obe' kuxa'ano'ob ti' k'áax, wa k-xotik che'obe', ktselik u che'ilo'ob k'áax, yéetel su'uk, le beetik ku káajal u k'i'itbesikubáajo'ob tu séeba'anil", tu ya'alaj jxak'al máak.

Ku yila'al tu noojol-lak'inil México tak Argentina; u k'aaba' ich káastelan t'aane' chapulín gigante, chapulín forestal wa chachalaca, ba'ale' lelo' yaan ba'al u yil yéetel tu'ux lu'umil yaan. Saak'e' ku p'isik ichil 55 tak 70 milímetros; u xiibile' maas chichan ti' u xch'uupulil, tumen leti'obe' ku náakal tak 120 milímetros.

"U boonile' jejeláas bixij, ba'ale' u xiik'e' chak yéetel boox u jáalikilo'ob; kéen xik'náalnake' ku yila'al tu beel, ts'o'oke' beey u k'ajóolta'alo'. Tu táankelemile' k'as ya'ax wa boox u boonil, yéetel yaan u k'an t'o'olil", tu ya'alaj jbiólogo'.

Ku jaantik xiwo'ob yéetel ki' u yu'ubik mango, cítricos, xa'an yéetel k'áaxil che'ob. Byexan je'el u k'askúuntik u chuun che'ob. Yaan ba'alche'ob jaantik, je'el bix ch'íich', yéetel wiínike' láayli' xan ma' uts u ti'ali' ikil u k'askúuntik tu'ux kaja'an.

SAAK'

ROSARIO RUIZ

OOCHEL NORMAN KURING

ESPECIAL: FAUNA NUESTRA | P. 42 YÉETEL 43

JUNTÚUL TI' LE IK'ELO'OB MAAS
NOJOCH OJÉELA'AN YAAN

